

Պարտադիր կենսաթոշակային ֆոնդեր

Պարտադիր կուտակային բաղադրիչի մասնակիցների կուտակային վճարները փոխանցվելու են կենսաթոշակային ֆոնդերի: Կենսաթոշակային ֆոնդերը կառավարվելու են մասնագիտացված անկախ ակտիվների կառավարիչների կողմից, որոնք կառավարելու են մասնակիցների միջոցները՝ մինչև մասնակիցների կենսաթոշակային տարիքը լրանալը: Մասնակիցներն ունեն կենսաթոշակային ֆոնդերի կառավարչի և կենսաթոշակային ֆոնդի ընտրության իրավունք: Կենսաթոշակային ֆոնդերի միջոցները ակտիվների կառավարիչների սեփականությունը չեն, այլ պատկանում են կենսաթոշակային ֆոնդի մասնակիցներին: Գոյություն ունեն երեք տեսակի ֆոնդեր: Յուրաքանչյուր ֆոնդ ունի կառավարման կանոններ և սահմանափակումներ: Ֆոնդի ակտիվները ներդրվելու են Հայաստանի և օտարերկրյա բարձրորակ արժեթղթերում: Որևէ ֆոնդի արտարժույթային ներդրումները չեն գերազանցելու ընդհանուր ակտիվների 40 տոկոսը: Գործող ֆոնդերի միջև առկա հիմնական տարբերությունը ակտիվների տարբեր մասնաբաժինների ներդրումն է բաժնային արժեթղթերում, որոնք ունեն եկամտաբերության ավելի մեծ հնարավորություն, սակայն ֆիքսված տոկոսադրույքով պարտքային գործիքներից ավելի ռիսկային են:


Ֆոնդերը կառավարում է «Ցե-Կվադրատ Ամպեգա Ասեթ Մենեջմենթ Արմենիա» ՍՊԸ-ն, որը «Ցե-Կվադրատի» (Ավստրիա) և «Տալանքս ասեթ մենեջմենթի» (Գերմանիա) համատեղ կազմակերպություն է:

«Ցե-Կվադրատ Ամպեգա կայուն եկամտային կենսաթոշակային ֆոնդ – Պ»

Պարտադիր կենսաթոշակային ֆոնդ, որի նպատակն է ապահովել ֆոնդի ակտիվների արժեքի երկարաժամկետ աճը՝ ֆոնդի ակտիվների 100 տոկոսը ներդնելով պարտքային գործիքներում, դրամական շուկայի գործիքներում, ավանդներում և այնպիսի ներդրումային ֆոնդերում, որոնց ակտիվները ներդրվում են վերը նշված արժեթղթերում և ավանդներում: Ֆոնդը ներդրումներ չի կատարում բաժնային արժեթղթերում կամ նմանատիպ ներդրումային ֆոնդերում:

- Նախատեսված է ռիսկից խուսափող մասնակիցների համար:
- Նպատակն է կենսաթոշակային միջոցների պահպանումը և չափավոր աճը:

Կառավարման տարեկան վճար՝ 1% ֆոնդի զուտ ակտիվների արժեքի նկատմամբ:




«Ցե-Կվադրատ Ամպեգա պահպանողական կենսաթոշակային ֆոնդ – Պ»

Պարտադիր կենսաթոշակային ֆոնդ, որի նպատակն է ապահովել ֆոնդի ակտիվների արժեքի երկարաժամկետ աճը՝ մինչև 25 տոկոսը ներդնելով բաժնետոմսերում, բաժնային արժեթղթերի ֆոնդերում և այլ նմանատիպ գործիքներում: Ակտիվների մնացած մասը ներդրվում է պարտքային գործիքներում, դրամական շուկայի գործիքներում, ավանդներում և այլ նմանատիպ գործիքներում:

- Նախատեսված է ռիսկի միջին հակվածություն ունեցող մասնակիցների համար:
- Նպատակն է ապահովել կենսաթոշակի համար կուտակվող միջոցների կայուն աճ:

Կառավարման տարեկան վճար՝ 1.1% ֆոնդի զուտ ակտիվների արժեքի նկատմամբ:




«Ցե-Կվադրատ Ամպեգա հավասարակշռված կենսաթոշակային ֆոնդ – Պ»

Պարտադիր կենսաթոշակային ֆոնդ, որի նպատակն է ապահովել ֆոնդի ակտիվների արժեքի երկարաժամկետ աճը՝ մինչև 50 տոկոսը ներդնելով բաժնային գործիքներում, բաժնային արժեթղթերի ֆոնդերում և այլ նմանատիպ գործիքներում: Ակտիվների մնացած մասը ներդրվում է պարտքային գործիքներում, դրամական շուկայի գործիքներում, ավանդներում և այլ նմանատիպ գործիքներում:

- Նախատեսված է բաժնետոմսերի հետ կապված հնարավորությունների և ռիսկերի մասին իրազեկ մասնակիցների համար:
- Նպատակն է հասնել կենսաթոշակային միջոցների առավելագույն աճին:


Կառավարման տարեկան վճար՝ 1.3% ֆոնդի զուտ ակտիվների արժեքի նկատմամբ:



Կենսաթոշակային ֆոնդերի գործունեության հետ կապված պահանջները սահմանված են «Կուտակային կենսաթոշակների մասին» և «Ներդրումային ֆոնդերի մասին» ՀՀ օրենքներով և դրանց հիման վրա ընդունված ՀՀ կառավարության և ՀՀ ներտնտեսական բանկի խորհրդի որոշումներով:

«Ցե-Վվադրատ Ամպեգա Ասեթ Մենեջմենթ Արմենիա»

«Ցե-Վվադրատ Ամպեգա Ասեթ Մենեջմենթ Արմենիա» սահմանափակ պատասխանատվությամբ ընկերությունն ավստրիական «Ցե-Վվադրատ» ներդրումային ընկերության (Վիեննա, Ավստրիա) և գերմանական «Տալանքս ասեթ մենեջմենթ» (Քյոլն, Գերմանիա) ընկերության համատեղ ընկերությունն է: Այս կազմակերպությունների առաքելությունը Հայաստանում արևմտյան լավագույն փորձին համահունչ ակտիվների կառավարման բարձրակարգ ծառայություններ առաջարկող ֆինանսական կազմակերպություն ձևավորելն է: «Ցե-Վվադրատ Ամպեգա Ասեթ Մենեջմենթ Արմենիա»-ն նպատակ ունի առաջատար դիրք զբաղեցնել Հայաստանի ֆինանսական շուկայում, նպատակ է Հայաստանում կենսաթոշակային բարեփոխումների իրականացմանը, ինչպես նաև ակտիվների կառավարման, ներդրումային ծառայությունների, և կապիտալի շուկայի զարգացմանը:



Վլխավոր գործադիր տնօրեն



Արման Վարդանյան

Զարգացման Հայկական բանկում մակրոտնտեսական վերլուծաբան աշխատելուց հետո, Արման Վարդանյանը միջազգայնացած տնօրեն է զբաղեցրել Կենտրոնական բանկում, այդ թվում՝ միջազգային գործառնությունների դեպարտամենտի տնօրենի, ֆինանսական գործառնությունների ղեկավարամենտի տնօրենի և Կենտրոնական բանկի նախագահի ավագ խորհրդականի պաշտոնները: Արման

Վարդանյանն այնուհետև տեղափոխվել է մասնավոր ֆինանսական հատված: 2004 թվականի նոյեմբերից մինչև 2007 թվականի մայիս ամիսը աշխատելով որպես Արմավիսբանկի գործադիր տնօրենի տեղակալ՝ նա պատասխանատու է եղել ֆինանսական գործառնությունների կառավարման և վերահսկման համար: 2007 թվականի հունիսին Արմանը դարձել է Վիեննայի «Միկրոֆայնանս» (Microfinance) ընկերության տնօրեն և «Ցե-Վվադրատ» (C-QUADRAT Group) խմբի հետ փոխկապակցված «Աբսոլյուտ պորտֆոլիո մենեջմենթ» (Absolute Portfolio Management) ընկերության խորհրդի անդամ:

Ընկերության դիտորդ խորհրդի նախագահ



Էռնստ-Լյուդվիգ Դրայս

Էռնստ-Լյուդվիգ Դրայսը դարձել է «Դոյչե բանկ»-ի տնօրեն 1984 թվականին: 1990-2000 թվականների ընթացքում նա աշխատել է որպես գլխավոր ներդրումային պաշտոնյա (CIO) «Դոյչե ասեթ մենեջմենթ»-ում և «Դոյչե ասեթ մենեջմենթ ինթերնեյշլ»-ում: Եղել է նաև «Մորգան Գրենֆել ասեթ մենեջմենթ» ընկերության խորհրդի անդամ: «Դոյչե բանկ»-ում աշխատած տարիներից հետո, նա ընտրվել է

որպես «Էմ.Էմ Վարբուրգ Էնդ քո» ընկերության գլխավոր լիազորված անձ (General Power of Attorney) և դարձել այս ընկերության հետ փոխկապակցված «Վարբուրգ ասեթ մենեջմենթ» ընկերության տնօրեն: Այնուհետև՝ 2002 թվականին նա համահիմնադրել է «Բեռլին Էնդ քո» ընկերությունը և դարձել հոլդինգի գործադիր խորհրդի անդամ: Սկսած 2006 թվականից՝ «Ցե-Վվադրատ» խմբի (C-QUADRAT Group) մաս կազմող «Աբսոլյուտ պորտֆոլիո մենեջմենթ» ընկերության գործադիր տնօրենն է:

«Մեր առաքելությունը Հայաստանում արևմտյան լավագույն փորձին համահունչ ակտիվների կառավարման բարձրակարգ ծառայություններ առաջարկող ֆինանսական կազմակերպություն ձևավորելն է:»

«Ցե-Վվադրատ»-ը (C-QUADRAT)



the fund company

«Տալանքս ասեթ մենեջմենթ»



ակտիվների կառավարիչ է, որը մասնագիտացած է բացարձակ և ընդհանուր եկամտաբերության քանակական և հայեցողական ռազմավարություններում: Կազմակերպությունը հիմնադրվել է 1991 թվականին: 2006 թվականից այն ցուցակված է Ֆրանկֆուրտի ֆոնդային բորսայի առաջնային հարթակում, իսկ 2008 թվականի մայիսից՝ նաև Վիեննայի ֆոնդային բորսայում: «Ցե-Վվադրատը» առավել հայտնի է ներդրումային ֆոնդերի վերլուծությամբ և որպես նորարական մոտեցում կիրառող ակտիվների կառավարիչ: Ինչպես ինստիտուցիոնալ հաճախորդները, այնպես էլ մասնավոր ներդրողները վստահում են ընկերության փորձին: «Ցե-Վվադրատը» գործունեություն է ծավալում Եվրոպայի ողջ տարածքում՝ ունենալով գրասենյակներ Վիեննայում, Ֆրանկֆուրտում, Լոնդոնում, Երևանում, Ժնևում և վաճառքի ցանց՝ 18 երկրներում:

«Տալանքս ասեթ մենեջմենթ» (Talanx Asset Management) ընկերությունը ստեղծվել է «Ամպեգա ինվեսթմենթ» (Ampega Investment) և Գերմանիայի մեծությամբ երրորդ ապահովագրական խմբի՝ «Տալանքս» (Talanx AG)-ի ֆինանսական ծառայությունների «Տալանքս Իմոբիլիեն Մենեջմենթ» (Talanx Immobilien Management) ընկերությունների համակցությամբ:

«Տալանքս ասեթ մենեջմենթ» ընկերությունը պատասխանատու է «Տալանքս խմբի» ակտիվների կառավարման համար դրամական, կապիտալի և անշարժ գույքի շուկաներում: Խմբի կառավարման տակ գտնվող ակտիվների շարունակական աճն ընկերության ապահովագրական շուկայի առանձնահատկությունների փորձառությամբ կառավարման վկան է: «Ամպեգա ինվեսթմենթ» ընկերությունը գործունեություն է իրականացնում ինչպես ինստիտուցիոնալ հաճախորդների, այնպես էլ մասնավոր ներդրողների համար, աչքի ընկնելով ծառայությունների բացառիկ որակով: Միասին այս ընկերությունները Գերմանիայի ամենախոշոր, անկայս որևէ բանկի հետ չփոխկապակցված ակտիվների կառավարիչներից են: 2013 թվականի սեպտեմբերի վերջի դրությամբ «Տալանքս»-ի կառավարման տակ գտնվող ակտիվները կազմել են 96,3 միլիարդ եվրո:

2001 թվականից սկսած «Ցե-Վվադրատ»-ի ֆոնդերը ստացել են 230-ից ավել մրցանակներ և պարգևներ, ինչպես նաև մի շարք բարձր վարկանիշներ միջազգային վարկանշային կազմակերպությունների կողմից:

